

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), a po Konkurentskom zahtjevu broj: 05.12.100-2650-2/16 od 10.07.2016.godine, te Odluke o izboru najpovoljnijeg ponuđača Direktorice Zavoda za javno zdravstvo Kantona Sarajevo broj: 05.12.100-2650-Odluka o izboru/16 od 20.06.2016.godine, kojom se prihvata Ponuda ponuđača „CLIMA TRADE“ d.o.o. Sarajevo kao najpovoljnija i kojom se ponuđaču "CLIMA TRADE" d.o.o. Sarajevo dodjeljuje Ugovor za nabavku i ugradnju klima uređaja, za potrebe J.U. Zavoda za javno zdravstvo Kantona Sarajevo, zaključuje se slijedeći:

UGOVOR O JAVNOJ NABAVCI KLIMA UREĐAJA

I UGOVORNE STRANE

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Dr med. sci. Snježana Balta, primarius, direktor (u daljem tekstu: Kupac)

i

„CLIMA TRADE“ d.o.o. Sarajevo, ul. Džemala Bijedića 301, identifikacioni broj: 4200097130004, koga zastupa direktor: Senad Gačanović, (u daljem tekstu: Prodavac)

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao „Ugovorne strane“.

II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnijeg ponuđača za nabavku roba, broj: 05.12.100-2650-Odluka o izboru/16 od 20.06.2016.godine.

III PREDMET UGOVORA

Član 1.

Predmet ovog Ugovora je kupovina i ugradnja sedam (7) Klima uređaja, za potrebe J.U. Zavoda za javno zdravstvo Kantona Sarajevo, a sve na osnovu Ponude, broj: 308-CT/16 od 17.06.2016. godine, koja je u prilogu i čini sastavni dio ovog Ugovora.

IV UGOVORENA CIJENA

Član 2.

Kupac kupuje Klima uređaje, po ukupnoj cijeni sa PDV-om u iznosu od **7.679,88 KM** a sve prema ponudi, broj: 308-CT/16 od 17.06.2016 godine.

Cijena je fiksna i ne podliježe nikakvim promjenama za vrijeme trajanja Ugovora.

Iznos iz stava 1. ovog člana kupac će uplatiti na račun prodavca broj: 161 000 000 069 006 9 kod Raiffeisen Banka dd Sarajevo.

V ROK I MJESTO ISPORUKE

Član 3.

Prodavac se obavezuje da će robu iz člana 1. ovog Ugovora, isporučiti i ugraditi najkasnije u roku od 30 dana od dana potpisivanja Ugovora, na slijedeće adrese Ugovornog organa:

- Prostorije J.U. Zavoda za javno zdravstvo Kantona Sarajevo - ul. Dr. Mustafe Pintola 1/III;
- Prostorije Zavoda u ulici Avdage Šahinagića br. 10;
- Prostorije Zavoda u ulici Vrazova br. 11.

VI OBAVEZE PRODAVCA I KUPCA

Član 4.

Prodavac se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- da će odrediti stručna lica koja će rukovoditi izvršenjem poslova isporuke i ugradnje robe, kao i stručna lica koja će izvršiti obuku osoblja Kupca za rad na isporučenoj i ugrađenoj robi;
- da će Kupcu omogućiti nadzor nad vršenjem isporuke i ugradnje, te da će na njegov zahtjev obustavi isporuku i ugradnju robe ukoliko se utvrdi da se ista izvodi nekvalitetno i mimo tehničke dokumentacije;
- da će snositi odgovornost za štetu u toku izvršenja ugovora nastalu radnicima Prodavca ili trećim licima,
- da će posebno obratiti pažnju da prilikom isporuke i ugradnje robe, ne nanese štetu unutar prostora ili susjednih prostora, a ukoliko se ista desi, da će je otkloni o vlastitom trošku;
- da će u toku isporuke i ugradnje robe, kao i po završetku cjelokupnog posla iz prostorija gdje je vršena ugradnja robe ukloniti sav višak materijala i opreme, te da će iste očistiti;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
- da će prilikom primopredaje roba iz člana 1. ovog Ugovora, Kupcu predati uputstva za rad na isporučenoj i ugrađenoj robi, koja moraju biti napisani na jednom od službenih jezika u Bosni i Hercegovini, kao i svu potrebnu prateću dokumentaciju za istu i to: garantne listove za ponuđenu robu iz tehničke specifikacije, certifikate o kvalitetu isporučene robe, ateste, licence i drugu tehničku dokumentaciju.

Član 5.

Kupac se obavezuje:

- da će osloboditi prostorije u kojima će se ugraditi roba u maksimalno mogućoj mjeri;

- da će izvršiti uplatu ukupne cijene vrijednosti u roku od 30 dana od dana izvršene primopredaje robe;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII GARANTNI ROK

Član 6.

Za isporučenu i ugrađenu robu važi garantni period od 1(jedne) godine. Garantni rok teče od dana kompletne isporuke i ugradnje robe.

Član 7.

Prodavac snosi odgovornost za sve manjkavosti, odnosno nedostatke vezano za isporučenu robu, koje se mogu javiti ili nastati tokom garantnog perioda, pod uslovom da se roba koristi i održava u skladu sa uputstvima za njenu upotrebu i sa preporukama Prodavca.

U garantnom roku, Prodavac će na osnovu pismenog ili usmenog zahtjeva Kupca, o svom trošku poduzeti mjere popravke, zamjene ili će na drugi način otkloniti uočene nedostatke na robi.

Prodavac se obavezuje da će u toku garantnog perioda pružiti servisnu podršku za predmetnu robu u okviru ovlaštenih servisa na teritoriji Bosne i Hercegovine i to u vremenskom odazivu ovlaštenog servisa maksimalno 24 sata od vremena prijave kvara od strane ovlaštenih lica Kupca na lokaciji gdje je ugrađena.

Ukoliko se Prodavac ne odazove i ne otkloni nedostatke ili ne izvrši zamjenu u rokovima utvđenim u stavu 3. ovog člana, Naručilac stiče pravo da za otklanjanje nedostataka ili za izvršavanje zamjena angažuje drugog izvođača i da nastalim troškovima tereti Prodavca.

IX UGOVORNA KAZNA I RASKID UGOVORA

Član 8.

Ukoliko Prodavac ne izvrši svoje obaveze u ugovorenom roku, dužan je da, Kupcu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a. Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

Član 9.

Ukoliko isporuka kasni duže od 60 dana, Kupac zadržava pravo jednostranog raskida Ugovora.

Razlog za raskid Ugovora može biti stečaj, likvidacija ili drugi oblik prestanka postojanja Prodavca ili više sile.

Član 10.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

X RASKID UGOVORA

Član 8.

Pravo na raskid Ugovora zadržavaju obje strane u slučaju da jedna od ugovorenih strana ne ispunjava svoje obaveze, s tim što su obavezne da o svojoj namjeri pismeno obavjeste drugu ugovorenu stranu najmanje u roku od 30 (trideset) dana unaprijed.

Kupac može raskinuti Ugovor pod sljedećim okolnostima ako:

- a) Prodavac ne izvrši neku od ugovorenih obaveza
- b) Prodavac ne ispuní obavezu u roku navedenom u zahtjevu Kupca.

XI RJEŠAVANJE SPOROVA

Član 9.

Ugovorene strane će uložiti maksimalne napore, da sporazumno, u duhu dobrih poslovnih odnosa i uzajamnog povjerenja rješe sve eventualne sporove vezano za ovaj Ugovor i njegovu interpretaciju. U slučaju da se spor po ovom Ugovoru ne može sporazumno riješiti, nadležan je sud u Sarajevu.

XII OSTALE ODREDBE

Član 10.

Sve promjene ovog Ugovora mogu se vršiti isključivo pismenim putem u vidu Aneksa Ugovora uz suglasnost obje ugovorene strane.

Član 11.



Ovaj Ugovor stupa na snagu danom potpisivanja od strane ovlaštenih lica ugovorenih organa.

Član 12.

Ovaj Ugovor je sačinjen u 4 (četiri) istovjetna originalna primjerka, po 2 (dva) za svaku ugovorenu stranu.

Član 13.

Ugovorne strane su suglasne da se za sve što nije regulirano ovim ugovorom primjenjuje Zakon o obligacionim odnosima.

**„CLIMA-TRADE“ d.o.o.**
SARAJEVO
DIREKTOR

(Senad Gačanović)

Broj: _____/16
Sarajevo, 17/16 .godine

**JU ZAVOD ZA JAVNO ZDRAVSTVO**
KANTONA SARAJEVO
DIREKTORICA

(Dr. med. sci. Snježana Balta, primarius)

Broj: : 05.14.100-2650-Ugovor/16
Sarajevo, 01.07.2016. godine.